

Po'lat o'tda toplanadi, odam – mehnatda

Metallurg inbari

O'zbekiston metallurgiya kombinati aksiyadorlik
jamiyatining ko'p nusxali gazetasи

2023-yil 26-dekabr № 12 (1534)
Gazeta 1992-yil 7-martdan nashr etilmoqda



KIRIB KELAYOTGAN YANGI YIL MUBORAK!

Hurmatli metallurglar, ishlab chiqarish faxriylari, qadrlı
bekobodliklar!

"O'zmetkombinat" aksiyadorlik jamiyati boshqaruvi nomidan va shaxsan o'z nomimdan Sizlarni kirib kelayotgan Yangi yil bayrami bilan chin qalbimdan tabriklab, sidqidildan qilayotgan mehnatingiz uchun samimiy minnatdorchilikimni bildiraman!

Yangi yil arafasida o'tayotgan yilga nazar tashlash, uning natijalarini sarhisob qilish, amalga oshirgan ishlarimizga baho berish an'anaga aylangan.

Korxonada ishlab chiqarish hajmini oshirish barobarida investitsiya loyihamonini amalga oshirish doirasida yangi mahsulotlar ishlab chiqarish, innovatsiya va ilg'or texnologiyalarni amaliyotga samarali tatbiq etish kabi keng ko'lamlı vazifalar amalga oshirildi.

Biz Quyuv-prokatlash majmuasini buniyod etishdek yirik investitsiya loyihasini amalga oshirmoqdamiz. Bu loyiha asosan yiliga 1,04 million tonna po'lat list ishlab chiqarish rejalashtirilgan. Bu majmua ishga tushganidan so'ng kombinatning ishlab chiqarish quvvati ikki barobarga ortadi.

O'zbekiston metallurgiyasini strategik rivojlantirish doirasida biz "DANIELI & C.Officinae Meccaniche" AJ bilan o'zaro anglashuv memorandumini imzoladik. Bu esa yaqin kelajakda O'zbekistonni po'lat listlarni import qiluvchidan ularni eksport qiluvchiga aylantirish imkonini beradi.

Shuningdek, kombinat DIN 488-1, DIN 488-2, DIN 488-6 standarti talablariga muvofiqligi uchun Navli prokat sexi mahsulotlar (betonni mustahkamlash uchun po'lat armaturalarini) sertifikatlash bo'yicha Germaniyaning "MFPA Leipzig GmbH" sertifikatlash organi bilan shartnoma tuzdi.

Sertifikatlashtirish auditni va sinovlari natijalariga ko'ra 2023-yil 21-iyulda kombinatga betonlarni mustahkamlash uchun tayyorlangan 10-32 mm. diametrli B500B sinfidagi po'lat armaturalarga Germaniya standarti bo'lgan DIN 488-1, DIN 488-2, DIN 488-6 talablariga muvofiqligi uchun UZ 1.2/23-

019/23-425-0-sonli sertifikat berildi.

Sertifikatlar kombinat tomonidan iste'molchilar xalqaro talablarga javob beradigan mahsulotlar bilan ta'minlanayotganligining yorqin dalilidir.

Mamlakatimizning iqtisodiy qudratini mustahkamlash, ko'p yillik samarali mehnati, zamonaviy ishlab chiqarish quvvatlarini yaratish, ilg'or innovatsion texnologiyalarni joriy etish, hududlar infratuzilmasini jadal rivojlantirishga qo'shgan munosib hissasi uchun metallurglarimiz 2023-yilda Vatanimizning yuksak mukofotlari bilan taqdirlanishdi. Xalqaro xotin-qizlar bayrami arafasida Navli prokat sexi metall saralovchisi Marhabo Arziyeva "Mehnat shuhrati" ordeni, Xalq iste'moli mollari ishlab chiqarish sexining sirlovchisi Mayuda Matmurodova "Mo'tabar ayol" ko'krak nishoni bilan taqdirlandi. Mamlakatimiz Mustaqilligi bayrami arafasida esa O'zbekiston Respublikasi Prezidentining Farmoni bilan Elektrda po'lat eritish sexi po'lat erituvchisi Abdurahmon Turdimurotov "Do'slik" ordeni bilan mukofotlandi.

Yangi yil arafasida barcha hamkorlarimiz va mahsulotimiz iste'molchilariga kombinatimiz bilan birqalikdagi samarali faoliyatlar uchun minnatdorchilik bildiraman.

Hurmatli metallurglar!

O'z vazifalaringizga mas'uliyat bilan yondoshib, sidqidildan qilayotgan mehnatingiz uchun rahmat. Yangi yilda barchangizga mehnat zafarlari, oilaviy baxt, sog'lik yor bo'lishini, farovonlik tilayman. Biz rahbar va ish beruvchilar xavfsiz mehnat sharoitlarda, yaxshi kayfiyatda ishlashingiz uchun barcha sharoitlarni yaratib beramiz.

Yangi 2024-yilda barcha ezgu orzu va rejalaringiz ro'yobga chiqsin! Yangi yil baxtli, omadli kelsin!

Keloyotgan Yangi yilingiz muborak bo'lsin!

Rashid PIRMATOV.
"O'zmetkombinat" AJ
Boshqaruvi raisi – bosh direktor.

BUGUNGI SONDA

BUGUNNING NAFASI

Yillik reja bajarildi 2

FAXRIMIZ

Vatan himoyasi
sharaflı burch! 3

SOLNOMA

Kombinatda 2023-yilning
e'tiborli voqealari 4 – 5

E'ZOZ VA QADR

Muruvvat
dilni poklaydi 6

KORRUPSIYA

Davlat va jamiyat
taraqqiyotiga tahdid 7

BOR GAP

Ma'naviyat
nimaga kerak? 8

SO'RAGAN EDINGIZ

Yaroqsiz mahsulot
tayyorlanganda ishchiga
haq beriladimi? 9

SPORT

Mavsum yakunlandi 11

TAFAKKUR

Tabassum qiling! 12



BIRINCHI BO'LIB YILLIK REJANI BAJARISHDI

Rangli metallar ishlab chiqarish sexi jamoasi yillik rejani barvaqt bajarib, yangi yilni yaxshi kayfiyatda kutib olmoqda. Bor imkoniyatlardan samarali foydalanish, jamoaning ahilligi va barchanining birdekkidan mehnat qilishi muvaffaqiyatlar omili bo'layotir.

Ular jahon andozasi talablariga mos keladigan mahsulotlari bilan respublika iste'molchilari ehtiyojni qondirib, chet davlatlarga ham eksport qilayaptilar.

Bu yil sexda 2800 tonna rangli metall mahsulotlari ishlab chiqarish rejalashtirilgan edi. Ahil jamoa 14 dekabrdayoq bu rejani ziyodi bilan ado etdi. Shu kun xolatiga sexda 1653 tonna mis va uning qotishmalaridan folga, tasma, tilim ishlab chiqarildi. 1243 tonna latun tayyorlandi.

Kombinatda birinchilardan bo'lib yillik rejani bajargan rangli metall ishlab chiqaruvchilar tayyorlayotgan mahsulotlarning aksariyati eksportga jo'natiladi. Bu sex mahsulotlarning yuqori sifatidan darak beradi.

Jamoada har doimgidek mahsulot tayyorlash hajmini ko'paytirish, uning tannarxini kamaytirish, sifatini yaxshilash va pirovard natijada raqobat bardoshligini oshirishga alohida e'tibor qaratilmoqda.

Diyor ILHOMOV.

BUGUNNING NAFASI



PROKATCHILARNING HISSALARI KATTA

Kombinatning iqtisodiy taraqqiyoti asosan Navli prokat va Zoldir prokat sexlarining faoliyatlariga ko'p jihatdan bog'liq. Bu yil ikkala sexda ham ishlab chiqarishda ko'ngildagidek natijalarga erishilmoqda.

Navli prokat sexida belgilangan rejalar munzam ravishda bajarilayapti. Joriy yilning o'n bir oyida sex jamoasi 627 ming tonna o'rniqa amalda 649 ming tonna navli prokat mahsulotlarini iste'molchilarga yetkazib berdi.

Zoldir prokat sexida esa o'n bir oyida 226 ming o'rniqa 231 ming tonna mahsulotlar tayyorlandi. Bu mahsulotlarning 224 ming tonnasini po'lat zoldirlar tashkil etdi.



Rejalarini oshig'i bilan ado etib kelayotgan bu prokatchilar jamoalari yillik rejani ham sharaf bilan bajaradilar.

Prokatchilar ishlab chiqarayotgan raqobatbardosh va eksportga yo'naltirilgan, ichki va tashqi bozorlarda talab yuqori bo'lgan sifatli mahsulotlari bilan nafaqat kombinat, balki mamlakat taraqqiyotiga ham munosib hissalarini qo'shib kehayaptilar.

ENERGETIKLAR BARQAROR ISHLAMOQDALAR

Ma'lumki, 22-dekabr eng qisqa kunduz va eng uzun tun bo'ladigan sana. Bu sanada sayyoramizning Bosh energetigi - Quyoshdan bizga eng kam yorug'lik va issiqlik tushadi. Energiya iste'moli eng ko'p bo'ladigan ushbu kunda bir qator mamlakatlar qatorida O'zbekistonda ham energetika sohasi xodimlari kasb bayramini nishonlashdi.

Energetika sohasi jamiyat hayotida qanday katta ahamiyatga ega ekanini alohida ta'kidlashga hojat yo'q. Uylarimizga issiqlik va yorug'lik ulashadigan, ishlab chiqarish korxonalarida uskuna va dastgohlarini harakatga keltiradigan va umuman zamonaviy hayotning barcha-barcha sohasida asosiy o'r'in tutadigan jabha, shubhasiz, energetikadir.

"O'zmetkombinat" AJ O'zbekiston Respublikasining yirik korxonalaridan biri bo'lib, ishlab chiqarish uchun katta miqdorda elektr energiyasi va tabiiy gaz sarflaydi.

Kombinat mahsulotlari raqobatbardoshligini oshirishning eng muhim omillaridan biri ishlab chiqarish tannarxini, jumladan, tayyorlanayotgan mahsulotlarning

energiya sarfini kamaytirish hisoblanadi.

Bu boroda aksariyati yuqori malakali, mas'uliyatni yaxshi anglaydigan, intizomli va o'z kasbining ustalari bo'lgan kombinatimiz energetiklari tomonidan keng hajmli ishlar olib borilmoqda. Bugungi kunda Bosh energetik xizmati boshchiligidan kombinatimizda bir qator tarkibiy bo'linmalar faoliyat ko'rsatmoqda. Ular-Energetika, Kislorod-kompresor, Elektr uskunalarini ta'mirlash, Elektr tarmoqlari va podstansiyalar, Energetika tarmoqlarini ta'mirlash sexlari, Nazorat-o'lchov asboblari va avtomatika boshqarmasi, Elektrotexnika hamda Texnologik jarayonlarni avtomatlashtirilgan boshqaruv tizimlari laboratoriyalarda.

ri o'zlarining mas'uliyatli vazifalarini ko'ngildagidek bajarib kela yaptilar. Bu jamoalar "O'zmetkombinat" AJning asosiy sexlari va barcha tarkibiy bo'linmalarining bir maromda uzluksiz ishlashiga munosib hissalarini qo'shayotganligini alohida ta'kidlash o'rnlidir.

Ushbu tarkibiy bo'linmalar ischi-xodimlari har oyda belgilangan barcha vazifalarni muvaffaqiyatli bajarib kelmoqdalar. Ular tomonidan kombinat tarkibiy bo'linmalarini elektr energiyasi bilan ta'minlashda ishonchlikni oshirish maqsadida asosiy ishlab chiqarish sexlarida rejali profilaktika va kapital ta'mirlash ishlarini tezkorlik bilan amalga oshirish, yuqori voltli kabel liniyalariga xizmat ko'rsatish kabi ishlar o'z vaqtida bajarilmoqda. Bundan tashqari energetiklar bevosita qish mavsumi uchun qozonxonalarini tayyorlash ishlarida ham faol qatnashadilar. Kombinat iste'molchilari tomonidan tabiiy gaz va elektr energiyasidan

oqilona foydalanishi nazorat qilish ham Bosh energetik xizmati mutaxassislarining diqqat markazida.

Kombinatimizda energiya samaradorligini oshirish va xaratatlarni kamaytirish maqsadida har yili elektr energiyasi va tabiiy gazni tejash bo'yicha tashkiliy-teknik chora-tadbirlar ishlab chiqilib, amalga oshirilmoqda. 2023-yilning 11 oyi yakunlari bo'yicha kombinatda 17,581 million kVt/soat elektr energiya, 0,653 mln. m³ tabiiy gaz tejaldi. Bu ko'rsatkichlarga erishish uchun kombinatda bir qator chora-tadbirlar amalga oshirildi.

Bugungi kunda ham kombinat energetiklari barqaror ishlamoqdalar. Shu bois yilni muvaffaqiyatli yakunlash uchun barcha asoslar bor. Kelgusi yilda energetiklar oldiga bundan ham katta vazifalar qo'yilgan. Ularni hal qilish energetiklardan bor kuch va bilimlарini ishga solishni talab qiladi.

"O'zmetkombinat" AJ tarkibiy bo'linmalarida mehnat qilayotgan 35 yoshdan oshmagani ischi-xodimlar o'rtaida 3 bosqichdan iborat "Eng zukko metallurg" kasb mahorati bo'yicha tanlov o'tkazildi. Unda 20 nafarga yaqin metallurglar ishtirok etishdi.

Birinchi bosqichda ishtirokchilarning nazariy bilimlari test savollari orqali sinovdan o'tkazildi. Ikkinci va uchinchi bosqichda ishtirokchilarga metallurgiya va sohaga oid topshiriqlar hamda masalalar berildi. Ularga tanlov qatnashchilari belgilangan vaqt davomida yozma va og'zaki tarzda javob berdilar.

Tanlovning yakuniy natijalari va hakam-

"ENG ZUKKO METALLURG"



lar hay'atining xulosasiga ko'ra birinchi o'rinni Muhandislik markazi prokat guruhi muhandisi Farhod Mujdabayev egalladi. Ikkinci o'rinni Muhandislik markazi metallurgiya issiqlik texnikasi va o'tga chidamli materiallar laboratoriysi muhandisi Adham Temirboyev, uchinchi o'rinni Muhandislik markazi po'lat eritish guruhi muhandisi Ilyos Do'smatov qo'lga kiritishdi.

Tanlov g'olib va sovrindorlari pul mukofotlari bilan taqdirlanishadi. G'olib Farhod Mujdabayev kombinat kadrlar zahirasi tarkibiga kiritildi va unga shtat jadvali doirasida kasb toifasini oshirish imkoniyati berildi.

Sheroz SHUKURALIYEV.



VATAN HIMOYASI SHARAFLI BURCH!

Yurtimizda Vatan himoyasi kabi ulug'vor ishga o'zini bag'ishlagan harbiyalarimiz katta hurmat va e'zoz bilan qadrlanib, har yili 14-yanvar - Vatan himoyachilari kuni katta bayram va shodiyona bilan o'tkaziladi.

Bu kabi e'tibor va e'tirof mas'uliyatli kasb egalarining Vatan oldidagi xizmatlarini yuqori baholanishini namoyon etib, ularning kelgusidagi faoliyatiga ham kuch-quvvat, shioat va albatta sadoqat bag'ishlaydi.

O'z hayotini Vatan himoyasidek ulug' ishga bag'ishlagan harbiyalarimiz bilan barcha yurtdoshlari-miz haqli ravishda faxrlanadilar. Zero milliy armiyamiz tinch-osoyshta hayot, mamlakatimiz xavfsizligi va sarhadlarimiz daxlsiz-ligining mustahkam qalqonidir. Mana shunday mas'uliyatli burchni sidqidildan ado etayotgan, taraqqiyotimiz barqarorligiga kamabasta bo'layotgan harbiylarni har qancha ardoqlasak arziyi.

Harbiy xizmat yoshlarda mus-

tahkam iroda va xarakterni shakllantiradigan, jismoniy chiniqish va yuksak insoniy fazilatlar kamol topadigan o'ziga xos mакtabga aylandi. Armiyada xizmat qilish O'zbekiston fuqarosi uchun nafaqat konstitutsiyaviy burch, balki eng nufuzli kasblardan biriga aylandi. Yoshlar orasida harbiy xizmatga qiziqish tobora ortib borayotir.

Muddatli harbiy xizmatga tanlov asosida qabul qilinayotgani armiya

saflarini jismoniy tayyorgarligi va intellektual salohiyati yuksak yigitlar bilan to'ldirishda muhim omil bo'lmoqda. Buning samarasida askarlar jangovar tayyorgarlik dasurlarini, zamonaviy texnika va texnologiyalardan foydalanishni puxta o'zlashtirishmoqda.

Bugungi kunda milliy armiyamiz ming-minglab o'g'onlарimiz uchun chinakam mardlik, fidoyilik, haqiqiy vatanparvarlik mакtabiga aylandi.



Qora metall parchalari va chiqindilari - metallurgiya sanoati uchun asosiy xomashyo bazasi hisoblanadi. Shu sababli qora metall parchalarini yig'ish katta ahamiyatga ega. "O'zmetkombinat" Ajning qora metall chiqindilarini tayyorlovchi va yetkazib beruvchi "Ikkilamchiqorametallar" departamenti zimmasiga yuklangan bu mas'uliyatli vazifani bajarib kelmoqda.

KATTA AHAMIYATGA EGA

Hozirgi kunda Qoraqalpog'iston Respublikasi, Toshkent shahri va viloyatlarda "O'zmetkominat" Ajning 13 ta filiali, 37 uchastkasi mavjud. Ularning sa'y-harakatlari evaziga yil davomida ham kombinatga qora metall chiqindilarini yetkazib berishda uzilishlar bo'lmasdi.

Filiallar tomonidan korxona va tashkilotlar, shuningdek aholidan qabul qilingan qora metall parchalari va chiqindilari qayta ishlanib kombinatimizga yuboriladi. Har yili filiallardan kombinatga o'rтacha hisobda 700 ming tonna miqdorida qora metall parchalari va chiqindilari yetkazib berilmoga. Filiallarning mana shunday fidokorona mehnati evaziga kombinatning ishlab chiqarish jarayoni bir maromda ketmoqda.

Filiallarning moddiy texnik bazasini yaxshilash, zamonaviy asbob-uskunalar bilan ta'minlash maqsadida modernizatsiya dasturi asosida har yili turli texnika va uskunalar sotib olinmoqda. Bularga so'nggi yillarda xarid qilingan press uskunalar, yuklovchi transportlar elektron avto va temir yo'l tarozilarini misol qilish mumkin.

Shu bilan birga ma'lumotlar almashinuvida tezkorlikni ta'minlash, tegishli nazoratni amalga oshirish va ishlab chiqarish jarayonida yuzaga keladigan muammolarni o'z vaqtida yechimi topish uchun filiallar yagona tarmoq orqali kombinatda foydalilanidigan "1S" dasturiga integratsiya qilingan.

Shu bilan bir qatorda mayjud uskuna va texnikalar sozligini ta'minlash va ulardan oqilona foydalanan maqsadida kombinatning Temir yo'l sexida, Bosh mexanik va Bosh energetik xizmatlarida mobil guruhsalar tashkil etilgan. Ushbu guruhsalar tomonidan belgilangan reja-jadval asosida ta'mirlash ishlari amalga oshirib kelinmoqda.



Endilikda onalar o'z farzandlarini armiyaga ko'zda yosh, yurakda xavotir bilan emas, balki mening o'g'lim haqiqiy Vatan himoyachisi bo'ladi, deb, yuksak ishonch va faxr tuyg'usi bilan kuzatmoqda.

Jannatmakon diyormizda tinchlikni ta'minlab kelayotgan harbiy xizmatchilarni kelayotgan Vatan himoyachilari bayrami bilan muborakbod etamiz. Bu bayram bilan nafaqat harbiylarni, balki O'zbekistonning manfaatlari, uning farovonligi yo'lida butun borlig'i, bilimi, salohiyati va kuchquvvatini, kerak bo'lsa, jonini fido qilishga tayyor bo'lgan barcha vatanparvar yurtdoshlarimizni, siz aziz metallurglarni ham chin dildan tabriklaymiz.

Barchangizga jonajon Vatanimiz - O'zbekistonning, xonadoningiz va oilangizning haqiqiy himoyachisi bo'lishingizni tilaymiz. Sizlarga sihat-salomatlik, baxt, tinchlik va farovonlik hamisha yor bo'lsin!

Sardor BOBOYEV.

SIFAT VA SAMARADORLIK OSHMOQDA

Metall konstruksiyalari sexida kombinatning tarkibiy bo'linmalari va ijtimoiy tarmoqlarning buyurtmalari asosida ish olib boriladi. Bu joyda metall konstruksiyalar, to'sin va temir ustunlar, narvon-zinapoyalar, turli xil panjara to'sinlar, eshik va derazalar, deraza panjaralari, elektr dvigatel hamda generatorlarga taglik moslamalar, o'rindiglar, asosiy sexlar uchun qozonxonalar, ular uchun ehtiyyot qismlar va moslamalar tayyorlanadi.

O'tgan yildan boshlab jamoa Quyuprokatlash majmuasi qurilishi loyihasi doirasida yangi qurilayotgan sex uchun kolonnalar, kranosti balkalari va boshqa bog'lovchi metallokonstruksiyalar ishlab chiqarmoqda.

Oxirgi ikki yilda sex Xitoy, Italiya,

Chexiya kabi xorij davlatlarining zamonaviy asbob-uskunalarini bilan yangilandi. Gidravlik gilyotin qaychi, 9 valokli list tekislovchi, gorizontal yo'nuvchi, po'lat listlarni qayta ishlovchi va lazerda kesish dastgohlari, T va N shakldagi balkalarni yig'ish va to'g'rilash uchun ishlatiladigan stanok sexning yanada samarali ishlashida muhim omil bo'lmoqda.

Bundan tashqari payvandlash uskunalarini ham yangilanmoqda. Suvli sovutish bilan "TAYOR NB-630T" yarim avtomatik payvandlash mashinasi, havo kompressorli "LGK-100B" yarim avtomatik payvandlash mashinasi va boshqalar tayyorlanayotgan mahsulotlar sifati va samaradorligini oshirmoqda.

Karim BOHODIROV.

SANOAT KOOPERATSIYASI YANADA KENGAYTIRILADI

Joriy yilning 12-15-dekabr kunlari Milliy ko'rgazma majmuasi "O'zekspomarkaz"ning barcha pavilonlararo Respublika tarmoqlararo sanoat yarmarkasi bo'lib o'tdi. Ushbu yarmarka respublikaning yirik sanoat tashkilotlari bilan mahalliy sanoat korxonalarini o'rtasida ishlab chiqarish kooperatsiyasini yanada kengaytirishga qaratilgan.

Yarmarkada "O'zmetkombinat" AJ ham o'z mahsulotlari ko'rgazmasi bilan ishtirok etdi.

Respublika tarmoqlararo sanoat yarmarkasi doirasida "Kooperatsion aloqalarni rivojlantirish istiqbollari" va "Respublikada o'xshashi mavjud bo'limgan mahsulotlarni



ishlab chiqarish imkoniyatlari" mavzularida taqdimotlar o'tkazildi. Mazkur yarmarkada import bo'yicha yirik tarmoq korxonalarini tomonidan xarid qilingan import o'rnnini bosuvchi mahsulotlarning namoyishi tashkil etildi.

Salim SHAVKATOV.



2023-YILNING E'TIBORLI VOQEALARI

EHTIROM

O'zbekiston Respublikasi Prezidentining "8-mart - Xalqaro xotin-qizlar kuni munosabati bilan mukofotlash to'g'risida"gi farmoni bilan davlat va jamiyat hayotida faol bo'lgan bir guruh ayollar mukofotlandi.

Mukofotlanganlar orasida kombinatimizda mehnat qilayotgan ayollarning ham borligi biz uchun yanada quvonarlidir.

Xalqaro xotin-qizlar kuni bayrami arafasida Navli prokat sexi metall saralovchisi Marhabo Arziyeva "Mehnat shuhrati" ordeni, Xalq iste'moli mollari ishlab chiqarish sexining sirlovchisi Mavjuda Matmurodova "Mo'tabar ayol" ko'krak nishoni bilan taqdirlandi.



"IKKI YULDUZ" MAQOMI BERILDI

Navro'z bayrami kunlarida va Ramazon oyi arafasida Osiyo Futbol Konfederatsiyasining maxsus komissiyasi "El Golazo Academy Powered by Real Madrid" bolalar va o'smirlar futbol akademiyasini "ikki yulduz" maqomi bilan taqdirladi.

Bunday maqom nafaqat faxr, balki ayni paytda ulkan mas'uliyatdir. Endilikda klub akademiyasi OFKdagi mashhur akademiyalarga tenglashtirilgan: xususan, Yaponiyaning "Fukusima" klubi va Janubiy Koreyaning "Seul" klublari OFKda mana shunday maqomga ega.

Taqqoslash uchun, UEFAda "Bavariya" va "Juventus" ikki yulduzli maqomga ega. Eng yuqori – "Uch yulduz" maqomi esa dunyoning bir necha akademiyalariga, jumladan, Gollandiyaning "Ayaks", Portugaliyaning "Portu", Ispaniyaning "Barselona"sigi berilgan. Osiyoda esa faqat Qatardagi "Espayr" akademiyasi bugungi kunda butun dunyoga tanilgan, shunday maqomga ega.



YANGI JAMOA SHARTNOMASI QABUL QILINDI

Metallurglar madaniyat saroyida "O'zmetkombinat" Ajning 2022-yilda jamoa shartnomasi va shartnoma ilovalarining bajarilishi hamda 2023 – 2025-yillarga mo'ljallangan yangi jamoa shartnomasini qabul qilish bo'yicha mehnat jamoasining konferensiyasi bo'lib o'tdi.

Konferensiyada "O'zmetkombinat" AJ mehnat jamoasining 2022-yilda jamoa shartnomasi va shartnoma ilovalarining bajarilishi qoniqarli deb baholandi va 2023 – 2025-yillarga mo'ljallangan Yangi jamoa shartnomasi to'g'risidagi qaror loyihasi qatnashchilar tomonidan bir ovozdan qabul qilindi.

AKSIYADORLARNING YILLIK UMUMIY YIG'ILISHIDA

Metallurglar madaniyat saroyida "O'zmetkombinat" AJ aksiyadorlarining yillik umumiyligi yig'ilishi bo'lib o'tdi. Yig'ilishda kun tartibiga qo'yilgan bir qator masalalar ko'rib chiqildi. Jumladan, "O'zmetkombinat" AJ Ijroiya organining 2022-yil yakunlari bo'yicha hisoboti ko'rib chiqildi. Biznes-reja bajarilishi to'g'risidagi hisoboti tasdiqlandi. 2022-yil moliyaviy-xo'jalik faoliyati natijalari bo'yicha yillik hisobot tasdiqlandi.

Shuningdek, "O'zmetkombinat" Ajning yangi tahrirdagi ustavi hamda yangi tahrirdagi tashkiliy tuzilmasi tasdiqlandi. "O'zmetkombinat" AJ Taftish komissiyasi tarkibi tasdiqlandi. 2022-yil yakunlari bo'yicha korporativ boshqaruvi tizimini baholash natijalari ko'rib chiqildi. Shu bilan bir qatorda, "O'zmetkombinat" AJ boshqaruvi to'g'risida"gi nizom yangi tahrirda tasdiqlandi.

SHARAFLI YO'L

1942-yil dekabr oyida O'zbekiston metallurgiya zavodining dastlabki yordamchi sexi poydevorini qurish boshlandi. Oradan 2 oy o'tib 1943-yilning fevralida marten, martda prokat sexlarining poydevorlariga birinchi kubometr beton quyildi. Aprel oyida – olovli, suronli yillarda "За металл" va "Metall uchun" gazetasining birinchi soni nashrdan chiqdi.

Shu yil 27-aprel kuni Bekobod shahrining "Otaxon" gazetasini nashr etila boshlaganligiga 80 yil to'ldi.



MEMORANDUM IMZOLANDI

O'zbekiston Respublikasi Prezidenti Shavkat Mirziyoyev Germaniya Federal Prezidenti Frank-Walter Shtaynmayerning taklifiga binoan joriy yil 2-3-may kunlari tashrif bilan ushbu mamlakatda bo'ldi.

Tashrif doirasida O'zbekiston va Germaniya o'rtaida savdo-iqtisodiy, investitsiyaviy va texnologik hamkorlikni kengaytirish masalalari ko'rib chiqildi, amaliy hamkorlikning ustuvor yo'naliishlari belgilab olindi.

O'zaro manfaatli hamkorlik uchrashuvlari doirasida "O'zmetkombinat" AJ va "M7 METALS" o'rtaida metall prokatini sotish va metall mahsulotlari eksporti bo'yicha shartnomalar tuzish maqsadida memorandum imzolandi.



LOYIHALAR AMALGA OSHMOQDA

O'zbekiston Respublikasi Prezidentining "2022-2026-yillarda O'zbekiston Respublikasining innovatsion rivojlanish startegiyasini tasdiqlash to'g'risidagi" Farmoni hamda "2022-2026 yillarda O'zbekiston Respublikasining innovatsion rivojlanish strategiyasini amalga oshirish bo'yicha tashkiliy chora-tadbirlar to'g'risida"gi qarori qabul qilindi. Ularni amalga oshirish uchun joriy yilda kombinatimizda umumiy qiymati 6,41 milliard so'm bo'lgan 9 ta loyiha bo'yicha Innovatsion rivojlanish strategiyasi rejalshtirilgan edi.

Joriy yilning oktabr holatiga ko'ra mana shu loyihalarning yettitasi amalga oshirildi, ikkitasi yakunlanish bosqichida.

"ENG YAXSHI YOSH TOKAR"

Kombinatda "Eng yaxshi yosh tokar" kasb-hunar ko'rik-tanlovi o'tkazildi. Tanlovdva Ta'mirlash-mexanika sexi ishchisi Hasan Zoirqulov g'olib chiqdi. Ikkinci o'rinn Mexanika sexidan Islomjon Yo'ldoshevga, uchinchi o'rinn Xalq iste'moli mollari ishlab chiqarish sexidan Rahmonberdi Vahobovga nasib etdi. G'olib va sovrindorlar diplomlar hamda pul mukofotlari bilan taqdirlandilar.



2023-YILNING E'TIBORLI VOQEALARI



ULARNI VATAN TAQDIRLADI

O'zbekiston Respublikasi Prezidentining farmoniga ko'ra Mustaqillikning o'ttiz ikki yilligi munosabati bilan bir guruh davlat xizmatchilari hamda ishlab chiqarish va ijtimoiy-iqtisodiy sohalar xodimlari mukofotlandi. Ushbu Farmonga binoan mamlakatimizning iqtisodiy qudratini mustahkamlash, barcha sohalarda islohotlarni muvaffaqiyatli amalga oshirish borasidagi ko'p yillik samarali mehnati, yurtimiz taraqqiyoti va xalqimiz farovonligini ta'minlash, zamonaviy ishlab chiqarish quvvatlarini yaratish, ilg'or innovatsion texnologiyalarni joriy etish, hududlar infratuzilmasini jadal rivojlantirishga qo'shgan munosib hissasi uchun faxriy unvon, orden va medallar bilan mukofotlanganlar orasida "O'zmetkombinat" AJ vakillari ham bor.

"O'zmetkombinat" AJ boshqaruvi raisi – bosh direktori Rashid Pirmatov "Mehnat shuhrati" ordeni va Elektrda po'lat eritish sexi po'lat erituvchisi Abdurahmon Turdimurotov "Do'stlik" ordeni bilan mukofotlandi.

VAKILLARIMIZ G'OLIB

O'zbekiston Kasaba uyushmalari federatsiyasi Toshkent viloyati Kengashida "Mehnat muhofazasi va xavfsizligi bo'yicha jamoatchilik nazoratini tashkil etish" Respublika ko'rik-tanlovining viloyat bosqichi g'oliblarini taqdirlash marosimi bo'lib o'tdi.

Ushbu tadbirda kombinat mehnat muhofazasi bo'limi boshlig'i Gulmira Toshmatova "Eng yaxshi mehnat muhofazasi yosh mutaxassis" nominatsiyasi bo'yicha hamda "Eng yaxshi mehnat muhofazasi vakili" nominatsiyasi bo'yicha ekologiya va atrof-muhitni muhofaza qilish bo'limi muhandisi Ulug'bek Nasriddinovlar 1-o'rinni egallashdi. Ular tashkilotchilar tomonidan diplom va esdalik sovg'alar bilan taqdirlandilar.

EKSPORT IMKONIYATLARI NAMOYISH ETILDI

Chexiya Respublikasining Brno shahrida 1959-yildan buyon o'tkazilib kelinayotgan "MSV 2023" xalqaro sanoat ko'rgazmasi bo'lib o'tdi. 43 davlatdan 1260 ta kompaniya ishtirok etgan ko'rgazmada O'zbekiston delegatsiyasi alohida stend bilan ilk bor qatnashdi. "Made in Uzbekistan" milliy stendida metallurgiya, avtomobilsozlik, elektrotexnika, kimyo sanoati, qurilish materiallari ishlab chiqarish borasidagi namunalar namoyish etildi.

Ushbu xalqaro ko'rgazmada "O'zmetkombinat" AJda ishlab chiqarilgan sirlangan po'lat idishlar, navli va zoldir prokat mahsulotlari, issiqlikni o'tkazmaydigan materiallar, rangli metallar hamda ferroqotishmalar ishtirokchilar e'tiboriga havola etildi.



"ENG FAOL YOSH ELEKTROMONTYOR"

"O'zmetkombinat" AJda "Eng faol yosh elektromontyor" ko'rik-tanlovi bo'lib o'tdi.

Ushbu tanlovda kombinatimizning bir qator tarkibiy bo'linmalaridan 20 nafardan ziyod elektromontyor kasbida mehnat qilayotgan yoshlar ishtirok etishdi.

Ko'rik-tanlovning yakuniy natijalarga ko'ra 1-o'rinni Navli prokat sexidan Abdujalol Meliyev egalladi. 2-o'rinni Navli prokat sexidan Azamat Abduvahobov, 3-o'rinni kombinat markaziy laboratoriyasidan Javohir Sotiboldiyevlar qo'lga kiritdi.

"YASHIL MAKON" BARPO ETILMOQDA



"Yashil makon" umummilliy loyihasi doirasida "O'zmetkombinat" AJda ham ishlar qizg'in ketmoqda. Bu loyiha doirasida 2023-yil "Kuzgi daraxt ekish mavsumi"da 200 ming tup manzarali, mevali daraxt va buta ko'chatlarini ekish choralar ko'rildi. Terak, shuningdek, oleandr, burama majnuntol, majnuntol, qoratol, pavloviya, katalpa, sada, xilokatalpa, vodiylilufari kabi ko'chatlar hamda tez o'suvchi yovvoyi uzum ko'chatlari ekilmoqda.

Joriy yilning 31-may kuni O'zbekiston Respublikasi Prezidenti "Ekoliya va atrof-muhitni muhofaza qilish sohasini transformatsiya qilish va vakolatli davlat organi faoliyatini tashkil etish chora-tadbirlari to'g'risida"gi farmonni imzoladi.

O'zbekistondagi 2 mingdan ortiq sanoat korxonalarini joriyyil 1-sentabrdan boshlab 3 yil davomida o'z hududi va atrofida "yashil belbog"lar tashkil etishi kerak. Bu dastur doirasida respublika bo'yicha 2023-yilda 2111 hektar maydon bog'ga aylantirilishi kerak.

Ushbu farmon asosida "O'zmetkombinat" AJ hududlarida "yashil belbog"lar tashkil etilmoqda.

METALLURG – U19 MAMLAKAT CHEMPIONI



Ikki yil muqaddam "Metallurg" futbol klubi qoshida ochilgan "El Golazo" futbol akademiyasining birinchi qaldirg'ochlaridan iborat "Metallurg – U19" jamoasi mamlakat championi bo'ldi.

25 ta jamoa ishtirok etgan U19 championatida "Metallurg" yoshlari 24 ta uchrashuvning 18 tasida g'alaba qozonishdi. 2 ta o'yinda durang qayd etishdi. 4 ta uchrashuvda imkoniyatni boy berishdi. Raqiblar darvozasiga 70 ta gol kiritgan holda o'z darvozalaridan 35 ta to'p olib chiqishdi. 56 ochko jamg'argan bekobodliklar eng yaqin ta'qibchilari – "Nasaf" hamda "Mash'al" akademiyasi tarbiyalanuvchilarini bir ochkoga ortda qoldirishga muvaffaq bo'lishdi.

OLIY LIGANI TARK ETDI

"Metallurg – W" ayollar futbol jamoasi bu mavsum oliy ligada juda yomon ko'rsatkichni qayd etdi. Jamoa musobaqa jadvalida so'nggi o'rindan joy oldi. 22 o'yinning barchasida mag'lubiyatga uchradi. Bu o'yinlarda raqib darvozasiga 2 ta to'p kiritilib, o'z darvozasidan 192 ta to'p o'tkazib yuborildi. "Metallurg – W" kuchlilar safini tark etib birinchi ligaga ravona bo'ldi.

Ezgulik, mehr-muruvvat, odamiylik va oqibat kabi xislatlar o'zbek xalqining tomiri, qon-qonida jo'sh uradigan fazilatlar-dandir. Xalqimizda "Muruvvat dilni poklaydi" degan purma'no hikmat bor. Oramizda shundaylar borki, ulardag'i insoniy fazilatlar tufayli ham bu dunyoda quyosh tafti haroratli, hayot mazmunli va turmushimiz chiroylidir.

MURUVVAT DILNI POKLAYDI

Yurtimizda ham nogironligi bo'lgan insonlarning manfaatlarini himoya qilish, ularni jamiyatimizning to-laqaonli a'zosi ekanliklarini ko'rsatish maqsadida turli tadbirlar amalga oshirilm-oqda. Mamlakatimizda inson qadri, uning huquq va manfaatlarini ta'minlash davlat siyosatining ustuvor yo'naliishi etib belgilangan. Bu jarayonda barcha fuqarolarimiz kabi nogironligi bo'lgan yurtdoshlarimizga e'tibor va amaliy g'amxo'rlik ko'rsatish, ularni har tomonlama qo'llab-quvvatlashga alohida ahamiyat qaratilmoqda.

Darhaqiqat, dinimizda ham imkoniyati cheklangan insonlarga, muhtojlarga moddiy-ma'naviy yordam qo'lini cho'zishga doimo targ'ib etiladi. Rasululloh sollalohu alayhi vasallam bir hadislarida: "Alloh taologa farzlardan keyingi eng sevimli amal musulmonning qalbiga xursandlik kirgizishdir", deganlar.

Imkoniyati cheklangan, moddiy va ma'naviy ozuqaga muhtoj bo'lgan insonlarning qalblariga xursandchilik kirigizish orqali shunday insonlarning siniq ko'ngillarini ko'tarib, dillariga mammunlik ulashish har bir vijdonli inson uchun huzurbaxsh amallardan hisoblanadi. Mehr-muruvvatli va bag'rikeng xalqimiz azal-azaldan yordamga muhtoj, imkoniyati cheklangan insonlarga e'tibor va g'amxo'rlik ko'rsatishni jamiyatda tinchlik, do'stlik va hamjihatlikni mustahkamlashga xizmat qiladigan eng muhim qadriyatlardan biri sifatida e'zozlab keladi.

Islom hidoyatida tarbiya ko'rgan va uning sof va pok buloqlaridan babra olib ulg'aygan musulmon kishisi o'zi yashab



turgan jamiyatdagi barcha insonlarga naf keltirishga, ulardan zararni daf qilishga sa'y-harakat qiladi. Chunki, u haqiqat, yaxshilik, fazilat kabi odob-axloq asosida tarbiya olgan. Zotan, har bir kunini, yoinki har bir soniyasini o'zgalar korini oson qilishga, o'ksiklarning ko'nglini ko'tarishga baxshida etadigan insonlar chinakam fidoyilardir. Insonlar xizmatida bo'lish, ularga imkon qadar yordam qo'lini cho'zish va hojatlarini ravon qilishda doimo sa'y-harakatda bo'lish - ulkan saodat. Insonlarga yaxshilik qilish - uni ikki dunyo saodatiga olib kelishini yaxshi anglaydi. Alloh taolo Qur'oni karimda aytadi: "Ey, iymon keltirganlar! Ruku' qilingiz, sajda qilingiz va Rabbingizga ibodat qilib ezgu ish qilingiz - shoyadki, najot topsangiz!". Musulmon kishi ushu oyati karima mazmunidan kelib chiqib o'zgalarga yaxshilik qilishga astoydil harakat qiladi. Chunki, u yaxshilik yo'lida qo'yilgan harbir qadam uchun Allohdan ulug'ajrlar bo'lishiga qat'iy ishonadi.

Alloh taolo barchamizga sihat-salomatlik, tinchlik-xotirjamlik, oilaviy baxt-saodat ato qilsin.

**Ergashboy HAMIDOV,
Bekobod shahar
bosim mom xatibi.**

XAVFSIZLIK QOIDALARIGA RIOYA QILING!

Joriy yilning 15-noyabr kunidan 15-dekabr kuniga qadar yurtimizda "Yong'in xavfsizligi oyligi" tadbiri o'tkazildi. Oylikda "O'zmetkombinat" AJ ob'ektlarida yong'in xavfsizligini ta'minlashni tashkil etish (YOXTTEB) bo'limi xodimlari tomonidan kombinatning sex va uchastkalarida yong'in xavfsizligi qoidalariga amal qilish hamda yong'inlarning oldini olishga qaratilgan ko'rgazmali uchrashevlar o'tkazildi.

2023-yil davomida yurtimizda sodir bo'lgan yong'inlarning 77 foiziaholiturar-joylaridasodir bo'lgan. Mana shularni hisobga olib e'tiborsizlik oqibatida turli yong'inlar kelib chiqishining oldini olgan holda siz aziz metallurglardan nosoz elektr uskunalaridan foydalanmaslikka, gaz uskunalaridan foydalanganda shamollatish tizimi soz bo'lishiga e'tibor qaratishga,



KEKSALARI E'ZOZ TOPGAN YURT

Inson qadri har narsadan ulug'. Yurtimizda amalga oshirilayotgan keng ko'lamli islohotlar, olamshumul o'zgarishlar zamirida ana shu ezgu maqsad mujassam. Keksalarini e'zozlash, qadrlash ularga hurmat-e'tibor ko'rsatish xalqimizga xos azaliy qadriyatlardan biridir. Yurtimizda keksalarini har tomonlama qo'llab-quvvatlash, ularga g'amxo'rlik qilish bo'yicha qator tadbirlar amalga oshirilmoqda.



Respublika Konchilik va metalluriya sanoati faxriyalar ken-gashining tashkil etilishi ham keksalarga g'amxo'rlikning yana bir yorqin ko'rinishidir. Ushbu Kengashning faxriylarning sog'liklarini mustahkamlash, ularga ijtimoiy tomonidan yordam ko'rsatish, keksalar orasida turli tadbirlar tashkil etishdagi faoliyatları ko'p tahsinlarga sazovor bo'lmoqda.

O'zbekiston Respublikasi Konstitutsiyasi kuni munosabati bilan ham Kengash tomonidan yana bir tadbir o'tkazildi. Metallurglar madaniyat saroyida Respublika Konchilik va metalluriya sanoati faxriyalar kengashi Bekobod shahar hududiy filialining bir guruh faxriyalar ishtirokida davra suhbat bo'lib o'tdi.

Davra suhbatida Respublika Konchilik va metalluriya sanoati faxriyalar kengashi raisi Aleksandr Farmonov, "O'zmetkombinat" AJ Boshqaruv raisi - Bosh direktor Rashid Pirmatov, Faxriyalar kengashining Bekobod shahar hududiy filiali raisi Ilhom Qurbonovlar so'zga chiqishdi.

Tadbirda Faxriyalar kengashining Bekobod shahar hududiy filialida doimiy faoliyat ko'rsatuvchi komissiya raisi Odina Rahimova joriy yilning o'tgan 11 oyidagi mobaynida

komissiya a'zolarining faoliyati haqida ma'lumot berdi.

Samimiy va ko'tarinki ruhda bo'lib o'tgan davra suhbatida kombinat Temir-tersaklarni qayta ishlash sexida presslovchi vazifasida uzoq yillar mobaynida fidokorona ishlagan "Mehnat shuhrati" ordeni sohibasi Tamara Pardayeva hamda Elektrda po'lat eritish sexida po'lat quyuvchi vazifasida mehnat qilgan "Shuhrat" medali sohibi, "O'zbekiston Respublikasida xizmat ko'rsatgan sanoat xodimi" Abdusamat Ro'ziqulovlar Respublika Konchilik va metalluriya sanoati faxriyalar kengashi tomonidan "Faol faxriy" ko'krak nishoni hamda pul mukofoti bilan taqdirlanishdi.

Shuningdek, Qurilish-montaj bo'linmasida 30 yildan ortiq g'isht teruvchi vazifasida sidqidildan mehnat qilgan Bozorboy Boboyevga 63 yoshga kirganli munosabati bilan "Tashakkurnoma" va esdalik sovg'asi taqdim etildi.

Mamlakatimizda keksalarini har tomonlama rag'batlantirishga doir amalga oshirilayotgan bu kabi choratadbirlar nafaqat moddiy, balki katta ma'naviy-ruhiy madaddir. Keksalar e'zozlangan, qadr topgan yurtdan qut-baraka arimaydi.

Sheroz SHUKURALIYEV.

ochiq olovni hamda yosh bolalarni xonadoningizda nazoratsiz qoldirmaslikni so'raymiz.

Qadrli metallurglar!

Yangi yil bayramida archa bezashda yong'in xavfsizligi qoidalariga rioya qiling! Archani uy sharoitida xona ichiga o'rnatayotganda uni bemalol ko'chirish mumkinligiga va eshiklarni to'sib qo'ymasligiga alohida e'tibor qaratish lozim. Archani tez yonuvchan o'yinchoqlar bilan bezatish, uning pastki qismini paxta bilan qoplash, shuningdek, shamlar bilan bezatish aslo mumkin emas.

**Diyor NOMOZOV,
"O'zmetkombinat" AJ OYOXTTEB
katta inspektori, katta leytenant.**


"O'ZMETKOMBINAT" AJNING 80 YILLIGI OLDIDAN

ISHLAB CHIQARISH IKKI BARAVARDAN HAM OSHGAN

O'tgan asrning 70-yillarida O'zbekistonda qurilish hajmi kengayishi bilan metallurgiya sanoati mahsulotlariga bo'lgan ehtiyoj oshdi. Bekobodagi metallurgiya zavodida ishlab chiqarilayotgan prokat mahsulotlari Respublikamizning talabini qondira olmas edi.

Mana shular inobatga olingan holda 1975-yilda Elektr bilan po'lat eritish majmuasining qurilishi boshlandi. 1978-yil fevralida birinchi elektrda eritilgan po'lat olinib, tarix solnomasiga EPESning tug'ilgan kuni tariqasida kiritildi.

Shu yilning avgust oyidan sexda muntazam elektrda po'lat eritish boshlandi. Yil oxiriga borib EPESning ikkinchi pechi va uzlusiz metall quyish qurilmasi ishga tushdi.

Har qaysi pechning loyiha quvvati 250 ming tonna po'lat eritishga mo'ljallangan bo'lib, yonma-yon qurilgan uzlusiz quyish mashinalarining quvvati esa undan ham ortiqroq edi. Ammo bu ikki pech loyiha quvvatlarini o'zlashtira olmagan bo'sada, eritilgan metallni tayyor mahsulotga aylantirishning iloji yo'q edi. Chunki zavodning eski prokat sexi o'sha paytlarda 300-320 ming tonna prokat mahsuloti tayyorlash qurbiga ega edi, xolos. Shu sabab

EPESda tayyorlangan xomashyo Rossianing ulkan zavodlariga jo'natilardi.

Kompleks qurish loyihasi bo'yicha oldinda sexda uchinchi pech, quyish mashinasini bilan, 1 million tonnadan oshiqroq metallni tayyor mahsulotga aylantiradigan qadratlari yangi prokat sexi qurilishi turar edi. Albatta, bu ikki yirik sexni maromida ishlatish uchun bir necha yordamchi

xo'jaliklar qurilishi olib boriladi. Ta'mirlash-mekanika, elektr tarmoqlari, podstansiyalar, energetika, temir-tersakni tayyorlash sexlari ishga tushiriladi.

1984-yil 30-iyun kuni yangi prokat sexi ishga tushdi. Shu kuni birinchi mahsulot olindi. Yuqorida aytib o'tilgan EPESda tayyorlanayotgan xomashyo endi o'zimizda tayyor mahsulotga aylantiriladigan bo'ldi.

1978-yilda zavodimizda 336,8 ming tonna po'lat eritilib, 366,7 ming tonna prokat mahsulotlari ishlab chiqarilgan edi. 1985-yilda esa 839,3 ming tonna po'lat eritildi, 755,2 ming tonna prokat mahsulotlari tayyorlandi.

Shu davrda bekobodlik metallurglar zimmalariga yuklangan ulkan vazifalarni sharaf bilan bajardilar. Korxonada mahsulot ishlab chiqarish ikki baravardan ham ko'p oshishi bilan birga iqtisodiy tomonidan zavod keskin yuksalishga erishdi.

Ismat DIYOROV.

Suratda: 1984-yil 30-iyun kuni yangi prokat sexi ishga tushdi.



KORRUPSIYA

DAVLAT VA JAMIYAT TARAQQIYOTIGA TAHDID

Barchamizga ma'lumki, korrupsiya jamiyat hayotining barcha jahbalariga salbiy ta'sir ko'rsatib, nizolar va beqarorlik bilan chambarchas bog'lanib, iqtisodiy va ijtimoiy rivojlanishga xavf tug'diradi, demokratik institutlar va qonun ustuvorligiga putur yetkazadi. Bugungi kunda davlat va jamiyat taraqqiyotiga tahdid qilayotgan korrupsiya xavfining oldini olish va unga qarshi kurashish borasidagi respublikamizda keng qamrovli ishlar amalga oshirilmoqda.

KATTA E'TIBOR QARATILMOQDA

"O'zmetkombinat" Ajda ham korrupsiyaning oldini olish, unga qarshi kurashga katta e'tibor qaratilmoqda. Kombinatning Komplaens xizmati va Xodimlarni boshqarish departamenti tomonidan "O'zmetkombinat" Ajning "Korrupsiyaga qarshi kurashish tizimiga oid ma'lumotlar" va "Korrupsiyaga oid ma'lumotlar qo'llanmasi" hamda "Korrupsiya, manfaatlar to'qnashuvi va boshqa qoidabuzarliklarni oldini olish yo'nalihsida tarkibiy va hududiy bo'linmalarining majburiyatlari" maxsus o'quv kurs dasturlari va "Korrupsiyaga qarshi kurashish tizimini tashkil etish va korrupsiyaning oldini olish asoslari" malaka oshirish o'quv kurs dasturlari ishlab chiqildi.

Zamonaviy tajribalarga asoslanib Kombinatda vijdonsiz pudratchilar, kontragentlar yoki xodimlar tufayli yo'qotishlar va asossiz xarajatlardan qochish maqsadida korporativ firibgarliklarni tekshirish va insofsiz xodimlarni fosh qilish bilan shug'ullanuvchi "forenzik" yo'nalihsidagi mutaxassislarni tayyorlash va malakalarini muntazam ravishda oshirib borish ishlari olib borilmoqda.

TURLI CHORA-TADBIRLAR AMALGA OSHIRILMOQDA

Kombinatda ishlab chiqarish jarayonlari samadorligini oshirish, korxona resurslaridan foydalanishni optimallashtirish, inson omili bilan bog'liq korrupsiyaviy va manfaatlar to'qnashuvi kabi holatlarni kamaytirish maqsadida barcha ishlab chiqarish va xarid jarayonlarini avtomatishtirish va raqamlashtirish ishlari jadal sur'atlar bilan olib borilmoqda.

Kombinatda korrupsiyaga qarshi kurashish ishchi-xodimlarning huquqiy ongi va huquqiy madaniyatini yuksaltirish, davlat va jamiyat

hayotining barcha sohalarida korrupsiyaning oldini olishga doir chora-tadbirlarni amalga oshirish, korrupsiyaga oid huquqbazarliklarni o'z vaqtida aniqlash, ularga chek qo'yish, korrupsiyaga imkon beruvchi sabablar va shart-sharoitlarni bartaraf etish, huquqbazarliklarni sodir etganchilik uchun javobgarlikning muqarrarligi prinsipini ta'minlash kabi chora-tadbirlar orqali amalgalash oshirilmoqda.



resurslarni himoya qilish departamenti yetakchi mutaxassisi D. Say, "O'zmetkombinat" AJ Kuzatuv kengashi huzuridagi Komplaens xizmati menejeri G'. Nurmatov, Xodimlarni boshqarish departamenti direktori o'rinnbosari Sh. Mirbabayeva hamda Matbuot xizmati rahbari S. Sheraliyevlar so'zga chiqishdi. Ularning korrupsiyaning naqdardar yomon illatligi, jamiyatimiz rivojlanishiga to'siq bo'lishi, unga qarshi kurashish barchanining birdek burchi va vazifasi ekanligi haqidagi ma'ruzalari tinglandi.

Kombinatda xodimlarni tanlash va ishga qabul qilish uchun ochiq va shaffof tanlov tizimi yaratilish, sodir bo'lgan qoidabuzarliklarni to'g'risida xabar berishga tayyor bo'lgan shaxslardan tashabbus xabarlarini qabul qilish uchun "ishonch telefonlari" ishga tushirildi.

Bugungi kunda korrupsiyaga qarshi kurash maqsadlariga faqat jinoyat-huquqiy vositalar bilan erishib bo'lmasligini hayotning o'zi ko'rsatmoqda. Bunday ma'nnaviy buzilish holatga qarshi kurashda nafaqat davlat organlari, balki, jamiyat va umuman barcha fuqarolarimiz mas'uldirlar. Shunday ekan, davlat va jamiyat, har bir fuqaro bunday illatning oldini olishva unga qarshi kurashda birgalikdagi harakatigina samarali natijalarga erishishning eng maqbul yo'li bo'lib hisoblanadi.

Sarvinoz SHERALIYEVA.

**BIZ
BIRGALIKDA
KORRUPSIYANI
TO'XTATAMIZ!**

**"OCHIQ ESHIKLAR KUNI"
O'TKAZILDI**

Metallurglar madaniyat saroyida Xalqaro korrupsiyaga qarshi kurashish kuniga bag'ishlab "Ochiq eshiklar kuni" o'tkazildi.

Ushbu tadbirda "O'zmetkombinat" AJ Boshqaruv raisining transformatsiya bo'yicha birinchi o'rinnbosari - rivojlanish va sifat bo'yicha direktor S. Madiyarov, Bekobod shahar hokimi maslahatchisi U. Abdunazarov, Bekobod shahar prokurori o'rinnbosari Sh. Karimov, Jinoyat va ma'muriy ishlari bo'yicha Bekobod shahar sudining raisi X. Xoliquov, Bekobod shahar ichki ishlari bo'limi boshlig'i o'rinnbosari J. Haydarov, Bekobod shahar Adliya bo'limi boshlig'i X. Bibayev, "O'zmetkombinat" AJ Korporativ xavfsizlik va



MA'NAVIYAT NIMAGA KERAK?

JAMIYAT HAYOTINING JONI VA RUHI

Agar jamiyat hayotining tanasi iqtisodiyot bo'lsa, uning joni va ruhi ma'naviyatdir. Prezidentimiz aytganidek, biz yangi O'zbekistonni barpo etishga qaror qilgan ekanmiz, ikkita mustahkam ustunga tayanamiz. Birinchisi – bozor tamoyillariga asoslangan kuchli iqtisodiyot. Ikkinchisi – ajdodlarimizning boy merosi va milliy qadriyatlarga asoslangan kuchli ma'naviyat. Mana shu jumlaning o'zida ma'naviyatning jamiyatdagi o'rni nima ekanligi aniq belgilab berilgan.

Bugun biz jadal sur'atlar bilan o'sib kelayotgan yangi axborot-texnologiyalar asrida yashayapmiz. Dunyoda kechayotgan globallashuv jarayonining o'ziga xos jihat shundan iboratki, hozirgi sharoitda u mafkuraviy ta'sir o'tkazishning nihoyatda o'tkir quroliga aylanib, har xil siyosiy kuchlar manfaatlariga ham xizmat qilayotganini inkor etib bo'lmaydi.

Informatsion vositalarning yuksak rivojlanshi natijasida internet, uyali telefon, telekommunikatsiyalar va turli axborot nashrlar orqali taklif etilayotgan "qadriyatlar" ko'p hollarda yoshlarimizni o'zimizning milliy qadriyatlarimizdan uzoqlashtirib qo'yemoqda, o'z tarixiy ildizlaridan uzoqlashuviga olib kelmoqda.

"Ommaviy madaniyat" turli xil ko'rinishlarining yoshlar orasida tobora keng tarqalishi yoshlarimizda individualizm, egotsentrizm, andishasizlik, behayolik va zo'ravonlik, milliy qadriyatlarga va ijtimoiy manfaatlarga bepisandlik bilan munosabatda bo'lish kabi illatlarni keltirib chiqarmoqda.


Ba'zi siyosiy kuchlar milliy qadriyatlarimizga zid bo'lgan mana shunday qarashlar orqali aholi, ayniqsa, yoshlar ongini egallashga harakat qiladi. Turli mamlakatlarni mafkuraviy zabit etish g'oyat

katta iqtisodiy manfaatlar bilan uyg'unlashib ketgan.

JIDDIY XAVF

Hozirgi kunda yoshlarimizning ongini zaharlayotgan tajovuzlar millatimizga qaratilgan jiddiy xavf ekanligi hech kimga sir emas.

Yoshlar orasida taqlidchilik, g'arbona illatlariga ko'r-ko'rona ergashish kabi holatlar ham kuza-



Kitob – ma'naviyat beshigi



Yoshlarni yot g'oyalardan asraylik!

tilmoqda. Bunda, xorijda keng tarqalgan axloqiy va ma'naviy yurish-turish andozalarining kinofilmlar, moda va turli xil reklamalar orqali yoshlarimizning ongini chulg'ab olayotganligini sezish qiyin emas. Oqibatda, yoshlar o'rtasida kitob o'qishdan ko'ra kompyuter o'yinlari oldida vaqtini o'tkazish, mazmunan sayoz bo'lgan turli xil janrdagi filmlarni tomosha qilish odat tusiga kirib bormoqda.

Yoshlarimiz har xil ko'ngil ochar joylarda, ijtimoiy tarmoqlar orqali hech ikkilmasdan faxshga, gunohga olib boradigan ko'rsatuvlarni ko'rishi oqibatida o'zlarini ikki dunyolarini xarob qilishayotganini, qolaversa ota-bobolari yuziga oyoq qo'yishayotganini anglab yetishsa foydadan holi bo'lmasdi. Yoshlarning ongini zaharlab, har xil oqimlarga, jinoyat yo'llariga kirib ketishiga va faxsh ishlarga mubtalo bo'lishiga sababchi bo'layotganlar avvalom bor o'zlarining farzan-

dlari, nabiralari borligini esdan chiqarmasligi lozim bo'ladi.

MA'NAVIYATLI INSON MAG'ZI TO'Q MEVA

Ma'naviyat biror matoga o'xshab sotib olinadigan yoki sotiladigan buyum emas. Ma'naviyatsiz millatning kelajagi yo'q deb bejizga aytilmagan.

Voyaga yetayotgan farzandlarimizni ma'naviy barkamol, irodasi baqvavat, iymoni butun, bir so'z bilan aytganda, kuchli mafkuraviy immunitetga ega shaxs sifatida tarbiyalash ozod va obod Vatan, erkin va farovon hayot barpo etishning asosiy shartlaridan biridir.

Kelajagimiz bo'lgan yosh avlodni turli xil buzg'unchi toifalarining xurujlaridan asrab-avaylamog'imiz, ularni Vatanga sodiq farzandlar qilib tarbiyalash bunga mas'ul ota-onalarning ham, tarbiyachi-o'qituvchilarning ham, mahalla faollarining ham muqaddas burchi bo'lmos'i lozim.

Hattoki iqtisodi baqvavat davlatlarda ham ma'naviyat yo'qolsa bu mamlakatlar ham halokatga mahkum. Shunday ekan ma'naviyat ishlari panja orasidan qarash yoki unga haybaraka-lachilik yo'sinida yondoshishni vatanga, xalqqa xiyonat sifatida hisoblash mumkin.

Ma'naviyatli insonni mag'zi to'q mevaga qiyoslash mumkin. Bunday odamlarni yo'ldan ozdirish, maqsaddan qaytarish qiyin. Ular har qanday holatda ham o'zligini unutmaydi, qaysi millatdan ekani yodida turadi.

Biz yangi O'zbekistonni qurish jarayonida fikri komil, nuqtai nazari teran, maqsadi aniq va ertsiga ishonadigan ma'naviyatli insonlarni tarbiyalashimiz kerak.

**Hasanboy SHOKIROV,
kombinat mehnat faxriysi.**

OCHIQ SUD MAJLISIDA

TALON-TAROJ QILISH OQIBATI

Davlat va jamoat boyliklari bir shaxsga emas, ko'pchilikka tegishlidir. Shunday ekan, ulardan faqat o'z manfaati yo'lida foydalanish yoki talon-taroj qilish yaxshi oqibatlarga olib kelmasligi, shubhasiz.

O'tgan oying 16-kuni ochiq sud majlisida "O'zmetkombinat" AJ ishchisi Ali Omonovning (ism-shariflar o'zgaritirilgan) ma'muriy ishi ko'rib chiqildi.

Huquqbazar 2023-yil 20-oktabr kuni o'ziga biriktirilgan texnikaning bakidan dizel yoqilg'isini yashirincha to'kib olishni niyat qiladi. Buning uchun qulay fursatni kutadi. Atrofda hech kim ko'rinnmagach u rejasini amalga oshirishga kirishadi.

Biroq uning bu rejasni oxirigacha yetmay qoldi. Umumiyligi qiyomi 172 768 so'm 91 tiyin bo'lgan 19,43 litr dizel yoqilg'isini yashirin ravishda olayotgan vaqtida, shu yerda xizmat olib borayotgan harbiy xizmatchilar tomonidan ushlanadi.

Huquqbazar sudda qilgan ishidan chin ko'ngildan pushaymon ekanligi, boshqa bu holat takrorlanmasligiga so'z berdi. U bu ishdan o'ziga tegishli xulosa chiqarib olganligi, xato qilganligini tushunganligini aytib, qilgan ishi uchun kechirim so'radi.



ning 1-qismida nazarda tutilgan doirada jarima jazosini qo'llashni lozim deb topdi.

Huquqbuzarga bazaviy hisoblash hajmining 1 baravari miqdorida jarima jazosi qo'llanildi.

Xalqimizning "Ko'za kunda emas, kunida sinadi" degen dono maqoli bor. Bu kabi noqonuniy ishlar bir kun kelib albatta fosh bo'ladi. Mana shunday mayda tashmachilik tufayli jamoada e'tibordan qolib, yuzlari shuvut bo'ladi. Bunday holga tushmaslik uchun boshqalar mulkiga "ko'z olaytirmaslik", o'zgalarga ozor bermaslik lozim.

**Farhod ZOKIROV,
Jinoyat ishlari bo'yicha
Bekobod shahar sudi sudyasi.**



YAROQSIZ MAHSULOT TAYYORLANGANDA ISHCHIGA HAQ BERILADIMI?

Ishlab chiqarish jarayonida mahsulotlar ba'zan yaroqsiz holatda tayyorla-nadi. Bunda ishchilarga mehnatlari ucun pul beriladimi?

A. Inomov.

Bu mahsulot kimning aybi bilan yaroqsiz tayyorlanganligiga bog'liq.

Ishlov beriladigan materialdagi yashirin nuqson tufayli paydo bo'lgan yaroqsiz mahsulot uchun, shuningdek xodimning aybisiz



tayyorlangan yaroqsiz mahsulot uchun yaroqli mahsulotlar bilan teng ravishda haq to'lanadi.

Xodimning aybi bilan tayyorlangan qisman yaroqsiz mahsulot uchun mahsulotning yaroqliligi darajasiga qarab kamaytirilgan ishbay baholar bo'yicha haq to'lanadi.

Xodimning aybi bilan tayyorlangan to'liq yaroqsiz mahsulot uchun haq to'lanmaydi. Bu haqda Mehnat Kodeksining 267-moddasida belgilangan.



PIROTEXNIKA VOSITALARI HAYOT UCHUN XAVFLI!

Smenali ish ishlab chiqarishda dam olishning davomiyligi qancha bo'lishi kerak?

Sh. Ne'matov.

Haqiqatan ham Yangi yil yaqinlashgani sayin odamlarda pirotexnika vositalariga bo'lgan qiziqish kuchayadi. Bu esa, garchi taqilangan bo'lsa-da, pirotexnika vositalarining savdosining avj olishiga olib keladi. Osoyishtalik, yong'in xavfizligi va eng avvalo salomatlikka jiddiy xavf tug'diradigan bu turdag'i vositalarning zarari va oqibatlari haqida hamma yaxshi biladi. Shuning uchun ham pirotexnika buyumlarining qonunga xilof muomalasi uchun O'zbekiston Respublikasining Ma'muriy javobgarlik to'g'risidagi kodeksi asosida javob-

garlik ko'zda tutilgan.

Pirotexnika buyumlarini qonunga xilof ravishda ishlab chiqarish, tayyorlash, saqlash, tashish, jo'natish, ulardan foydalanish, xuddi shuningdek ularni qonunga xilof ravishda O'zbekistonga olib kirish yoki o'tkazish uchun - huquqbuzarlik ashyolarini musodara qilib, bazaviy hisoblash miqdorining besh baravaridan yigirma baravarigacha miqdorda jarima solinadi.

Shuningdek, pirotexnika vositalari, qurol va uning o'q-dorilari, harbiy maqsaddagi mahsulotlar reklamasiga doir talablarni buzganlik - BHMning 50 baravari miqdorida jarima solishga sabab bo'ladi.

YUVISH, TA'MIRLASH ISHLARINI KIM BAJARADI?

Xodimlarning shaxsiy himoya vositalarini yuvish, tozalash, ta'mirlash ishlari kim tomonidan qilinadi. Bu haqda qanday qonunchilik hujjalalarida belgilab qo'yilgan?

O. Olimov.

Bu ishlar O'zbekiston Respublikasi Mehnat Kodeksining 363-moddasiga asosan amalga oshiriladi. Unga asosan xodimlarning shaxsiy himoya vositalarini olish, saqlash, yuvish, tozalash, ta'mirlash, dezinfeksiya qilish va zararsizlantirish ish beruvchining mablag'lari hisobidan amalga oshiriladi.



Shuningdek, mehnat sharoiti noqulay ishlarda band bo'lgan xodimlar belgilangan normalari bo'yicha sut (shunga teng boshqa oziq-ovqat mahsulotlari), davolash-profilaktika oziq-ovqati, gazlangan sho'r suv (issiq sexlarda ishlovchilar uchun), maxsus kiyimbosh, sanitar kiyim-bosh, maxsus poyabzal va boshqa shaxsiy himoya va gigiena vositalari bilan bepul ta'minlanadi. Bunday ishlarning ro'yxati, beriladigan narsalarning normalari, ta'minot tartibi va shartlari jamoa kelishuvlarida, jamoa shartnomasida, agar ular tuzilmagan bo'lsa, ish beruvchi tomonidan kasaba uyushmasi qo'mitasi bilan kelishuvga ko'ra qonunchilikda belgilangan normativlarga muvofiq belgilanadi.

JARIMANI IXTIYORIY TO'LASHNING ENG UZOQ MUDDATI QANCHА?

Men shaxsiy mashinamda radarga 660 000 so'm jarimaga tushganman. Hozir menda bu pulni to'lashga imkoniyatim yo'q. Men shu jarimani uzog'i bilan qancha muddatgacha ixtiyoriy to'lashim mumkin?

S. Rustamov.

Ma'muriy javobgarlik to'g'risidagi kodeksining 332-moddasiga asosan, yo'l harakati qoidalarini buzganlik uchun solingan jariman ni huquqbuzar jarima solish to'g'risidagi qaror chiqarilgan kundan e'tiboran oltmish kundan kechiktirmay, bunday qaror xususida shikoyat berilgan yoki protest bildirilgan hollarda esa, shikoyat yoki protest qanoatlantirilmay qoldirilganligi to'g'risida xabar berilgan kundan e'tiboran o'ttiz kundan kechiktirmay to'lashi kerakligi belgilangan.

Ya'ni, Siz avtomashinangizda jarimaga tushgan kuningizdan boshlab Sizda jarimani to'lash uchun 60 kun yoki menga jarima noto'g'ri qo'llangan deb tegishli



joyga shikoyat arizasi bersangiz va o'sha arizangiz qanoatlantirilmasa, arizangiz qanoatlantirilmadi deb Sizga xabar berilgan kundan boshlab 30 kun jarimani to'lash uchun Sizda ixtiyoriy muddat bo'ladi.

Yuqorida ko'rsatilgan mudatlarning so'ngi kuniga qadar jarimangiz borligi sababli avtomashinangizni jarima maydoniga olib kirish mumkin emas.

AVVAL QAYSI TA'TILGA CHIQAMAN?

Dekret ta'tiliga chiqishimga yaqin vaqt qoldi. Shu bilan birga mehnat ta'tilim vaqtini ham keldi. Avval ta'tilga chiqamanmi yoki dekretgami. Buni o'z xohishim bilan belgilasam bo'ladimi?

K. Azizova.

Homilador ayollarga va bola tuqqan ayollariga yillik ta'tillar, ularning xohishiga ko'ra, tegishlicha homiladorlik va tug'ish ta'tilidan oldin yoki undan keyin yoxud bolani parvarishlash ta'tilidan keyin beriladi. O'zbekiston Respublikasi Mehnat Kodeksiga asosan xodimlar homiladorlik va tug'ish ta'tilining muddati boshlanganda har yilgi mehnat ta'tilini



uzaytirish yoki boshqa muddatga ko'chirish huquqiga ega

Demak mana shu qoidadan kelib chiqsak, hozir boshlangan navbatdagi ish yilingiz uchun mehnat ta'tilini istasangiz, homiladorlik va tug'ish ta'tili (dekret)dan oldin, istasangiz undan keyin olishga haqlisiz.

Savollarga huquqshunos Inomjon ESHONQULOV javob berdi.



QISHDA NEGA YUQUMLI KASALLIKLAR AVJ OLADI?

Viruslar sovuq va quruq havoda faollashadi. To'g'ri, qish faslida atmosferada namlik nisbatan yuqori bo'ladi. Biroq xonalar isitilishi sababli havo quruqlashadi. Bu esa infeksiyalarning avj olishi uchun sulay muhit.

Qolaversa, patogenlar toza havoni yoqtirmaydi. Ammo sovuq kunlarda eshik va derazalar zinch yopilib, xonalar havosi tez-tez almashtirilmaydi. Odamlar asosiy vaqtini issiq sharoitda, bir necha kishi yoki ko'pchilik bir joyda jamlanib o'tkazadi. Viruslar esa yopiq bino-inshootlar, aholi gavjum joylarda tezroq torgaladi.

Bundan tashqari, kamharakatlilik ham organizmning kasalliklarga kurashish qobiliyatini susaytiradi. Oqibatda shamollahsh va grippga chalinish ehtimoli oshadi.

Shamollahsh va gripp bir-biriga o'xshash kasalliklар.

Shamollahsh – ayniqsa, sovuq mavsumda eng keng tarqalgan kasalliklardan biridir. Bunga



asosan yuqori nafas yo'llari (burun, tomoq, traxeya)ga ta'sir ko'rsatadigan virusli infeksiya sabab bo'ladi. Noto'g'ri davolanish yoki kasallikni o'tkazib yuborish pnevmoniya yoki bronxitga sabab bo'lishi mumkin.

Gripp – bu o'ta yuqumli mavsumiy nafas olish yo'llari kasalligi bo'lib, odatda dekabr va mart oyлari orasida ro'y beradi, fevral oyida eng yuqori

darajaga ko'tarildi.

Ushbu ikki kasallik shamollahsh va gripp ba'zan bir-biri bilan adashtiriladi, chunki ularning alomatlari juda o'xshash. Ammo bu noto'g'ri.

Grippning birinchi alomatlardan biri – bu ko'z qizarishi, umumiylolsizlanish. Keyingi alomatlari – tana harorati 38 darajadan oshishi. Grippda oddiy shamollahshdan farqli o'laroq, yuqori harorat uzoq vaqt davom etadi va ko'pincha haroratni tushiradigan dorilarni qabul qilgan taqdirda ham me'yoriga kelmaydi.

Bundan tashqari, gripp bilan kasallangan bemorlarda ko'zning qizarishi, "ko'krak qafasi" yo'tali, mushaklar og'rig'i va burundagi qon tomir devorlarining yupqalashishi tufayli qon ketishi kuzatiladi.

Shamollahsh alomatlari har xil. Tomoq og'rig'i, ovoz bo'g'ilishi, bosh og'rig'i, limfa tugunlari kattalashishi, ko'ngil aynish va yo'tal paydo bo'lishi mumkin.

ENG SAMARALI VOSITA

Ulug' bobokalonimiz Abu Ali ibn Sino tavsiyalariга ko'ra eng samarali vosita, oddiy choyingizni issiq "Zanjabil bilan asal" ichimligiga almashting. Stakandagi issiq qaynagan suvgaga 1 paket "Zanjabil bilan asal" ekstraktini eriting va yoqimli, foydali ichimlikdan bahramand bo'ling.

Zanjabil, ayniqsa, kaliy, fosfor va vitamin S ga boy, bu moddalar immunitetni mustahkamlashda, gripp va shamollahsh viruslariga qarshi kurashda muhim ahamiyatga ega. Ushbu ichimlik shamollahsh va grippni birinchi belgilari da tabiiy davolash va profilaktika vositasi sifatida qo'llanishi mumkin bo'lgan zararsiz mahalliy mahsulotdir.

FOYDALI MAHSULOTLAR

Sog'liqni saqlash vazirligi shamollahsh va grippda qaysi mahsulotlar ko'proq foydali ekani haqida ma'lumot berdi.

Limon. Uni maydalab, biroz shakar qo'shib kun davomida uch martagacha bir choy qoshiqchadan iste'mol qilish immunitetni mustahkamlashda samara beradi.

Na'matak. Na'matak shartabi, mevalaridan choy damlab ichish juda foydali.

Tuzlangan karam. Tuzlangan karamga biroz zaytun moyi va mayda to'g'ralgan boshpiyoz qo'shib iste'mol qilish koni foyda.

Piyoz. Piyoz tabiiy antibiotik hisoblanadi.

Sarimsoq. Shamollahsh va virusdan asraydi.

Tvorog. Uy sharoitida tayyorlangan tvorog o'ta foydali.

Tuxum. Qaynatilgan tuxum tarkibida turli xil foydali vitaminnlar bo'ladi.

Ushbu mahsulotlarni sevib iste'mol qiluvchilarning kasallikka chidamliligi yuqori bo'laadi, kasallikka chalinganda ham uni yengib o'tishi immun tizimi uchun nisbatan oson kechadi.



KASALLIKDAN HIMOYALANISH

Infeksiyon va o'tkir respiratorli kasalliklar mavsumida immunitetni mustahkamlash va gigiena qoidalariiga rioya qilish zarur. Infeksiya va viruslar havo tomchi yo'li orqali yuqqani bois ham mazkur tavsiyaga amal qilish shart.

Qo'llaringizni tez-tez yuvib turing. Mutaxassislar tomonidan qo'llar tez-tez sovun bilan yuvib turilishi yoki sanitayzerdan foydalanish tavsiya qilinadi.

Yuzingizga teginmang. Yuvilmagan qo'llarda virus bo'lishi va qo'lni yuzga olib borganda organizmga kirishi mumkin.

Tiniqib uxlang. Tiniqib uxlaganda immun sistemasi yaxshi ishlaydi.

Grippga qarshi emlaning. Mutaxassislar vaqtida mazkur kasallikka qarshi emlanish kerakligini tavsiya qiladi.

Meva va sabzavotlarni iste'mol qiling. Immunitetni mustahkamlash uchun sabzavot va mevalarni kanda qilmaslik tavsiya etiladi.

Sport bilan shug'ullaning. Buning uchun og'ir mashqlarni bajarishga hojat yo'q. Shunchaki har kuni toza havoda sayr qilsangiz ham bo'ladi.

Bemorlar bilan ijtimoiy masofa saqlang. Bemor insonlarga iloji boricha yaqin bormaslikka harakat qiling.

Taom va ichimlikni shaxsiy idishingizda iste'mol qiling. Doim ishlatsizdan avval qaynoq suvgaga chayib, keyin ishlating.

Xudbin bo'lmang. Shamollagan yoki kasallangan bo'lsangiz, yuqori chiqmang. O'zingizni yaxshi his qilsangiz ham, niqob taqib yuring, aksirmoqchi bo'lsangiz, niqob bo'lmasa atrofdagi larga virus tarqatmaslik uchun chetga qarab, tirsakning ichki qismi bilan og'zingizni yoping.

ANTIBIOTIKLARDAN SAQLANING!



Antibiotics

Grippda suvsizlanishdan saqlanish uchun ko'p suyuqlik ichish juda muhim (va ko'p holarda bu asosiy davolash usulidir). Boshqa choratadbirlar kasallik alomatlarni yengillashtiradigan dorilarni (harorat tushiruvchilar, burun tomchilar (spreylari va boshqalar) o'z ichiga oladi.

Virusga qarshi dorilar mavjud, ammo ularni faqat shifokor ko'rsatmasi bo'yicha olish kerak. Shuni yodda tutish kerakki, gripp virusining ko'p dorilarga nisbatan qarshiligi allaqachon mavjud va shuning uchun uni davolashdan ko'ra kasallikning oldini olish bilan shug'ullanish yaxshiroqdir.

Shamollaganda ko'pincha uy sharoitida davolashga o'rganganmiz. Lekin bilib-bilmasdan turib bemorga turli antibiotiklar berish yoki in'eksiyalar qilish umuman noto'g'ri. Ba'zi shifokorlar ham shunday vaziyatda antibiotik qabul qilishni buyurishadi. Bu davolash chorasi noto'g'ri. Antibiotiklar odatda bakteriyalar sabab bo'lgan kasalliklarni davolash uchun ishlatalidi. Shamollahsh va grippda ulardan foydalanish kerak emas.

Kasallik boshlanishining dastlabki kunlarida organizmda tabiiy immunitet reaksiyasi paydo bo'ladi, antibiotikni juda erta ishlatsizda esa, o'z-o'zidan infeksiyani boshqarishi mumkin bo'lgan himoya mexanizmlari yo'q qilinadi.

Shamollahsh 99 foiz holatlarda viruslar orqali kelib chiqadi. Shuning uchun gripp va shamollahsh paytida antibiotiklardan saqlanish yaxshiroqdir. Ular faqat bakterial infeksiya tashxisida samarali bo'ladi.

Har qanday, inson uchun eng oddiy tuyulgan kasallikni davolashda ham, birinchi navbatda, shifokorga murojaat qilish va dorilardan uning retseptiga asosan foydalanish – davolanshing eng to'g'ri va samarali uslubi bo'ladi.



MEHNATGA BAXSHIDA UMR...

Mirzaburxon Do'smurodovni bekobodlik metallurglar yaxshi biladi. U kishining aksariyati tanqidiy va tahliliy ko'plab maqolalari gazetamizda chop etilgan. "Metallurg" sport-sog'lomlashtirish markazi shifokori Mirzaburxon aka nafaqat Bekobod, balki mamlakatimiz futboli rivoji yo'lida o'zining kuyunchaklik bilan yozgan maqolalari bilan respublikamizda ham taniqli tajribali mutaxassislardan hisoblanadi.

Yaqinda Mirzaburxon Do'smurodov qutlug' 75 yosh to'ldi.

Mirzaburxon aka umrini sevgan kasbi – shifokorlikka baxshida etgan inson. Xalqimiz ning sihat-salomatligrini asrash, dardmand kunlari ularning koriga yarash, mushkullarini oson qilishdek savobli ishiga sadoqat bilan xizmat qilib kelayotgan yetuk tibbiyot xodimlaridan. Deyarli har kuni, Mirzaburxon akaning tibbiyot bo'limi patsientlari bilan gavjum bo'ladi. Dilkash va samimi shifokorning iliq munosabati, otalarcha g'amxo'rliqi, malakali maslahatlari "Metallurg" futbol klubi hamda futbolga ixtisoslashgan bolar va o'smirlar maktabi xodimlarini, shuningdek, ommaviy sport fidoyilarini u kishining shifo bo'lmasisiga chorlab turadi.

Sport tibbiyoti bilimdonlaridan biri Mirzaburxon aka sohadagi boshlang'ich bilimlarni 1967-yili Qo'qon shahridagi tibbiyot bilim yurtida olgan. Harbiy xizmatni (1968-1970) Uzoq



Sharqda o'tab qaytgach, u Andijon Davlat tibbiyot institutining davolash fakultetida (1970-1976) tahsil oldi.

Tibbiyot oliygoхini tugallab, ona shahriga qaytgan Mirzaburxon Bekobod shahar Markaziy shifoxonasida ish boshladi. Bir muddat Bekobod tibbiyot bilim yurtida yoshlarga saboq berdi. So'ngra shahar "Tez tibbiy yordam" stansiyasida mehnat qildi. Bekobod sement kombinati poliklinikasida faoliyat yuritdi.

Shifokorlik sohasidagi izlanuvchanligi, sportga, futbolga qiziqishiuni 1993-yilda "Metallurg" futbol klubiga boshlab keldi. Bekobod shahrining bosh jamoasi bilan bir qatorda "O'zmetkombinat"ga qarashli sport-sog'lomlashtirish maskanida,

Tennis majmuasida jamoatchilik asosida shifokor bo'lib ishladi.

O'z kasbiga sadoqat bilan yondoshib, uning sir-sinoatlarini chuqur o'zlashtirib, tajribasini esa kasbdoshlari bilan o'rtoqlashib kelayotgan mutaxassislardan biri. Fikrimizning isboti tariqasida 2001-yildan buyon u kishi Respublikamizning turli markaziy nashrlarida o'z xulosalarini chop etib kelmoqda. Ayniqsa, sport tibbiyoti yo'nalishidagi dolzarb maqolalari "O'zbekiston futboli", "Futbol ekspress", "Asr futboli", "Interfutbol", "Toshkent haqiqati", "Hurriyat", "Ma'rifat", "Milliy tiklanish", "Vatanparvar", "XXI asr", "Fidokor", "Ishonch", "Huquq", "O'zbekiston ovozi", "Erudit-sport", "Jamiyat", "Champion", "Adolat ko'zgusi", "Metallurg minbari", "Bekobod ishchisi" kabi OAV nashrlarida chop etildi. Keng jamoatchilik hamda soha xodimlari muhokamasiga tashlandi.

"Metallurg" professional futbol klubи rahbariyati, klub ma'muriyati va ahil jamoasi va tahririyatimiz Mirzaburxon akani qutlug' 75 yoshi bilan samimi tabriklaymiz. U kishiga mustahkam sog'lik, salomatlik, oilaviy tinchlik, farovonlik tilaymiz. Farzandlari, nevara, chevaralari davrasida uzoq yillar rohat-farog'atda umrguzaronlik qilib, boy malaka va tajribalarini yosh tibbiyot xodimlariga, shogirdlariga ularhib yurishini istaymiz.

"METALLURG" SUPERLIGADAGI O'RNNINI SAQLAB QOLDI

Mamlakat XXXII milliy chempionatining so'nggi turidan oldindi o'yinni safarda – Toshkentda "Bunyodkor"ga qarshi o'tkazgan "Metallurg" jamoamiz aksariyat jabhalarda mezbonlardan ustunlik ega bo'lgan ersa-da, alamli mag'lubiyatni qabul qilib oldi. Shu turda Farg'ona shahridagi "Neftchi" – "Qizilqum" uchrashuvi bekobodliklar muxlis va futbolchilar uchun alohida ahamiyat kasb etar edi. Bu o'yinda mezbonlarning g'alabasi bekobodliklarning mavsum yakuniga yetishiga bir tur qolgan-da Superligadagi o'rnini saqlab qolishiga yordam berdi.

Superligada mavsumning oxirgi turi o'yinlari ham o'tkazildi. "Metallurg" Toshkent shahridagi JAR stadionida "Olimpiк"ni mag'lubiyatga uchratdi.

O'yinning 10-daqiqasida Husniddin G'ofurov to'pni boshi bilan urib, darvoza to'riga tushirdi – 1:0. Ikkinci taymda Husniddin ikkinchi to'pni raqib darvozasiga kiritdi – 2:0. O'yin tugashi arafasida olimpiyachilar bitta javob golini kiritishdi. Ammo bundan ortig'iga ularning kuchi yetmadi – 2:1.



MUSOBAQANING YAKUNIY JADVALI

Nº	Jamoalar	O'	Yu	D	M	T-N	O
1	"PAXTAKOR"	26	16	5	5	41-25	53
2	"NASAF"	26	13	9	4	31-16	48
3	"NAVBAHOR"	26	14	5	7	44-19	47
4	OKMK	26	13	7	6	43-34	46
5	"NEFTCHI"	26	11	12	3	33-18	45
6	"SURXON"	26	11	7	8	28-24	40
7	"ANDIJON"	26	12	4	10	27-25	40
8	"BUNYODKOR"	26	10	7	9	30-33	37
9	"OLIMPIK"	26	8	7	11	26-32	31
10	"METALLURG"	26	8	6	12	26-35	30
11	"SO'G'DIYONA"	26	7	6	13	29-38	27
12	"QIZILQUM"	26	6	7	13	22-33	25
13	"TURON"	26	3	7	16	16-41	16
14	"BUXORO"	26	4	3	19	12-35	15



AYOLLAR FUTBOLI: OLIY LIGA

KUTILMAGAN YAKUN

Ayollar o'rtasida O'zbekiston oliy ligasida ham mavsum yakunlandi. Kuchlilar ligasida qatnashgan jami 10 ta jamoa o'rtasida avval ikki davra o'yinlari o'tkazildi. Bu musobaqaada oldindi 5 o'rinni egallagan jamoalar "Sevinch", "So'g'diyona - W", "Bunyodkor - W", OKMK - W, "Lokomotiv - W" "A" guruhida sovrinli o'rinalar uchun kurash olib borishdi.

Oliy liganing "V" guruhida esa oliy ligada 6-10-o'rinalar uchun "Qizilqum - W", "Paxtakor - W", "Neftchi - W", "Buxoro - W" hamda "Metallurg - W" jamoalari kuch sinashdilar.

Kuchlilar o'rtasida "Sevinch" futbolchilariga teng keladiganlar topilmadi. Ular mavsum mobaynida o'tkazilgan jami 22 o'yinda ham barcha raqibalarini yengib faqat g'alaba qozondilar.

Mavsumda 66 ochko jamg'argan "Sevinch" O'zbekiston championligini va oltin medalni qo'lga kiritdi. "So'g'diyona-W" kumush, OKMK - W jamoasi bronza medaliga ega chiqdi.

"Metallurg - W" jamoasi bu mavsum oliy ligada juda yomon ko'rsatkichni qayd etdi. Jamoa musobaqada so'nggi o'rindan joy oldi. 22 o'yinning barchasida mag'lubiyatga uchradi. Bu o'yinlarda raqib darvozasiga 2 ta to'p kiritilib, o'z darvozasidan 192 ta to'p o'tkazib yuborildi. "Metallurg - W" kuchlilar safini tark etib birinchi ligaga ravona bo'ldi.



SAVOB

Kambag'al ekanligi ko'rinishidan tayin bo'lgan kishi oziq-ovqat sotiladigan do'konga keldi. U oиласи uchun zarur bo'ladijan eng arzon mahsulotlarni so'radi. U yangangiz ro'yxatida 5 litrli paxta yog'i, 5 kilogrammdan un, guruch, makaron, 1 kilogramm go'sht olishi kerakligi yozilgan. Biroq yonida 100 ming so'mi borligini aytib, sotuvchiga shunga yarashasini berishini so'radi.

Do'kondor:

- Bugun do'konimizda oziq-ovqat mahsulotlari chegirma bilan sotilyapti. Lekin sifatlari yaxshi. Buning ustiga 100 ming so'mlik mahsulot olganlarga yana shunchasi tekinga beriladi, - dedi.

Faqir kishi ro'yxat bo'yicha olishi kerak bo'lganlardan ikki baravar ko'p mahsulotlarni hadiyadek ola-yotganiga juda xursand bo'ldi. U ketarkan, Alloh o'nglagani uchun ko'zlaridan quvонч yoshlari to'ki-lardi.



BILIMINGIZNI SINANG!



Iskandar Zulqarnayning O'rta Osiyoga yurishiga guvoh bo'lganlar dan ikitiasi hozir ham tirik ekan. Ular haqida bilasizmi?

Bir necha ming yillardan hozirga qadar odamzot xizmatini qilayotgan yagona jonivor bor. Uning nomi nima?

Dunyodagi eng qadimiy va hozirgacha faoliyat yuritib kelayotgan o'quv dargohi - universitet Ginnesning rekordlar kitobiga kiritilgan. U qachondan buyon faoliyat ko'rsatadi va qaysi mamlakatda joylashgan?

Norvegiya maktablari o'quvchilarga 8-sinfgacha qanday baholar qo'yildi?

100 gramm asal yig'ish uchun asalari qancha masofani bosib o'tadi?

Javoblarni gazetaning keyingi sonidan bilib olasiz.

Gazetaning o'tgan sonidagi savollarning javoblari.

Talat, qozoq, quduq, kiyik.

840 litr suv oqishi mumkin.

Kivi qanoti bo'lмаган dunyodagi yagona qush.

Yaponlar oyularni raqamlar bilan belgilaydilar. Masalan, dekabr oyi - o'n ikkinchi oy deb ataladi.

Telefon kashfiyotchisi Aleksandr Bellning onasi va xotini gung bo'lishgan.

Muharrir:
Ismadiyor MAMATQULOV

TAHRIRIYAT: Bekobod shahar "O'zmetkombinat" aksiyadorlik jamiyatining Metallurglar madaniyat saroyida joylashgan.
Tel: 10-17, 70-214-19-24



MUASSIS:
O'zbekiston metallurgiya kombinati aksiyadorlik jamiyatি.

WWW.uzbeksteel.uz

Toshkent viloyati Axborot va ommaviy kommunikatsiyalar boshqarmasi tomonidan 2015-yil 6-mayda 03-006 raqam bilan ro'yxatga olingan.

TAFAKKUR QIL



TABASSUM QILING!

Miya faoliyati bevosita tanamiz bilan bog'liqligini bilasiz-a? Bir bor kuldingizmi, miyaga "Siz baxtlisiz!" degan xabar borib tushadi. Natijada organizm turli xil endorfinlarni ishlab chiqara boshlaydi va o'z-o'zidan kayfiyat yatingiz ko'tariladi. Bu haqiqat 1980-yilda aniqlanib, ilmiy tasdig'ini topgan.



QISQA HIKOYALAR QO'RQUV

- Pora olgan kunim uyga borgunimga qadar yuragim uvishadi.
- Vijdoning qiyalarkan-da...
- Yo'q, uyuştirilmaganmi, deb hadiksirayman...

Bobur NUSRATOV.

DUO

Qari kampir og'ir sumkani qiyalib ko'tarib kelayotgan edi. O'sha yerda o'ynab yurgan bir yetim bola kampirni ko'rib, unga sumkani ko'tarishga yordam

berdi. Manzilga yetgandan so'ng "Senga tarbiya bergan ota-onangdan Alloh rozi bo'lsin" deb duo qildi va yo'lida davom etdi. Yetim bolaning duoga ko'tarilgan qo'li havoda muallaq turib qoldi...

Islombok MIRZAQULOV.

ULG'AYISH

- Ulg'ayishni istamayman!
- Nega?
- Chunki... Ota-onam qarib boryapti.

Ma'ruf MENGLI.

ADOLAT

Badavlat odam aytmoqda:

- Pul juda ko'payib ketsa, oldinlari lazzat bergan narsalarning qizig'i qolmas ekan, odam yangicha narsalar izlarkan. Masalan, bir paytlar oddiy perashka yoki gumma yeb ham maza qilardim. Hozir faqat tushlik qilish uchun Istanbulga borolaman, ammo o'sha oddiy lazzatni topmayman.

Inson qurbi yetadigan va bemalol erisholadigan narsaga qiziqishi qolmas ekan. Allohnning adolatini qarangki, boylar besh yulduzli Mishelin markali restoranda topolmagan lazzatni kambag'allar oddiy somsa yeb undan ko'proq lazzatlanadi. Hammasi bir birini balans qilib yuborarkan.

Faizdin MO'MIN.

YANGI YIL XANDALARI

Bir kishi og'aynilari bilan yangi yilni bayram qilibdi va rosa ichib, uyiga mast holatda kech qaytibdi. Qarasa xotini ugrayapti. U erining kech kelganini bilmabdi ham.

Er noutbukini ochib o'zini ishlatayotgan ga solibdi.

Xotini shovqinda uyg'onib eriga:

- Nima ichib keldingizmi?

Er:

- Yo'q, oyisi ertaga juda muhim ishim bor shuni yozayapman!

Xotini:

- Yolg'on gapirmang, alkash chemodonni yopib tezda uxlang.

Mehmonlar Yangi yil dasturxonni ustida o'tib qolib, hech biri uyiga ketishni o'yalamas ham edi.

Uy bekasi nima qilishini bilmay halak. Haydar bo'lmasa... Shu vaqt telefon jiringlab qolibdi. Go'shakni ko'tara turib, ayolning kallasiga bir fikr kelibdi.

- Yong'in! Yong'in!!!

Mehmonlar bir ovozdan:

- Kimnikida?

- Eshitolmay qoldim! Qaysidir biringiznida!



- Yangi yilni qanday kutib olding?
- Bilmadim, hali menga aytib berishma-di...

Yangi yilni nishonlab tongga yaqin bir ahvolda uyga kirib kelgan erni xotini kutib olibdi.

- Yuzimga qarashga endi qanday chidasiz? - debdi xotini.

Er bo'lsa unga:

- Hechqisi yo'q onasi, shuncha yil chidab kelyapman, bu yog'i ham qarayveraman, - dermish.

Sahifalovchi:
Inom Xojimurodov

Bosishga topshirish vaqt 17.00
Bosishga topshirildi-15.30

Adadi 600. Bichimi A-3. ISSN 2181-

645X

Gazeta "O'zmetkombinat"
Ajda bepul targatiladi.

Buyurtma №